

areolis albo-hyalina vel dense cinereo-irrorata, venis flavo-virentibus, macula ad apicem cunei aliaque majore limbi exterioris albido-hyalinis; antennis articulo primo annulo anteapicali, secundo annulo basali punctisque duobus basalibus nec non ima basi articuli tertii nigris; femoribus posticis apicem versus punctis sat magnis nigris adspersis, tibiis basin versus dense apicem versus remotius nigro-punctatis, spinulis albidis. Long. ♀  $2\frac{1}{3}$  mm.

*Hab.* in *Salsolaceis*: Turcomannia (Repetek! d. 17 aug.), D. Prof. J. Sahlberg.

*Descr.*: Signaturis distinctissima. Caput (♀) basi pronoti circiter  $\frac{1}{4}$  angustius, sub-ochraceum, ab antico visum latitudine cum oculis parum brevius, a latere visum altitudini basali longitudine subaequale, vertice oculo  $\frac{2}{3}$  — fere duplo latiore, fronte valde declivi, clypeo usque a basi prominente, basi in linea media oculorum posita, angulo faciali recto, gula haud distinguenda. Oculi fuscii, granulati, in genas longe extensi. Rostrum apicem coxarum posticarum attingens, albidum, apice nigro, articulo primo basin capitis parum superante. Antennae (♀) articulo secundo margine basali pronoti paullulum brevior, duobus ultimis simul sumtis, secundo parum longioribus, tertio secundo circiter  $\frac{1}{4}$  brevior. Pronotum basi longitudine duplo latiore, apice longitudine saltem  $\frac{1}{3}$  latiore, marginibus lateralibus atomis nonnullis nigricantibus signatis. Hemielytra (♀) apicem abdominis modice superantia. Corpus inferne virescens. Femora antica fere innotata, postica praecipue margine antico nigro-punctata. Tarsi articulo tertio ipso apice dilute fuscescente, ungviculis fuscis, aroliis latis fere apicem unguiculorum attingentibus.

## 17. *Atomophora bipunctata* Reut.

*Diagn.*: Albicans, superne sat fortiter albo-pubescentis, hemielytris ubique punctis fuscis adspersis, solum basi cunei innotata, cuneo angulo interiore macula parva ovali nigra notato; membrana dilute fumata, venis albidis, areola